



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 422;
fax. +387 33 726 414
e – mail: info@voda.ba

Broj: **UP-I/21-3-40-444-6/21**
Datum: **27.10.2021. godine**

„Agencija za vodno područje rijeke Save“ Sarajevo rješavajući po zahtjevu pravnog lica „Gradex“ d.o.o. Gradačac za donošenje rješenja o vodnoj dozvoli za ispuštanje oborinskih onečišćenih voda i aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta u toku rada kompleksa za proizvodnju betona sa pratećim sadržajima, lociranog u ulici H.K.Građaševića bb, Grad Gradačac, na osnovu člana 139. stav (1) tačke 3. i 10. Zakona o vodama („Sl. novine Federacije BiH“, br. 70/06) i člana 200. stav (1) Zakona o upravnom postupku („Sl. novine Federacije BiH“, broj 2/98 i 49/99), donosi

RJEŠENJE **o vodnoj dozvoli**

1. Pravnom licu „Gradex“ d.o.o. Gradačac daje se vodna dozvola za ispuštanje oborinskih onečišćenih voda i aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta u toku rada kompleksa za proizvodnju betona kapaciteta 9,00 m³/h, sa pratećim sadržajima, lociranog na zemljištu označenom kao k.č. 1111/3 K.O. Gradačac I, Grad Gradačac.
2. Ova vodna dozvola ne oslobađa podnosioca zahtjeva obaveze pribavljanja saglasnosti i dozvola od strane drugih nadležnih organa, a sve u skladu sa važećim zakonskim propisima, uredbama i dr.
3. Rješenje o vodnoj dozvoli je doneseno na osnovu pregleda dokumentacije kojom raspolaže podnosilac zahtjeva, izvršenog uviđaja i utvrđenog činjeničnog stanja na objektu i pod slijedećim uslovima:
 - 3.1. Da se upotreba i korištenje predmetnih objekata vrši u skladu sa njihovom prirodom i namjenom te u skladu sa uslovima iz ove vodne dozvole.
 - 3.2. Da se objekti čija je svrha odvođenje i prečišćavanje onečišćenih voda (betonski taložnici, betonski kanali i slivnici, kanalizaciona mreža, betonski separator ulja i masti i dr.) redovno održavaju i koriste na način koji će obezbijediti njihovu potpunu ispravnost i funkcionalnost.
 - 3.3. Da korisnik poslovnog objekta za sve vrijeme trajanja ove vodne dozvole obezbjeđuje da se otpadne vode koje nastaju nakon pranja miksera/mješalice i druge procesne opreme skupljaju putem kanala sa slivnom rešetkom i odvede do taložnika 1 (zapremine cca V= 15 m³), da se istaložena voda preko preliva putem otvorenog kanala sa rešetkom odvodi do taložnika 2 (zapremine cca V= 15 m³) zajedno sa oborinskim onečišćenim vodama sa betoniranog radno-manipulativnog platoa, da se nakon taložnika 2 voda dovodi do betonskog separatora ulja i masti (trokomornog) te da se iz treće komore voda ispušta u kanal i dalje u recipijent- rijeku Gradašnicu.
 - 3.4. Da se redovno vrši monitoring prečišćene otpadne vode iz okna za monitoring shodno članu 19. i 20. Uredbe o uslovima ispuštanja otpadnih voda u okoliš i sisteme javne kanalizacije, te pojedinačne i zbirne godišnje izvještaje dostave Agenciji u skladu sa članom 23. iste Uredbe.
 - 3.5. Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i

šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaju i načinu davanja ovlasti („Službene novine Federacije BiH“, broj 14/10, 14/13 i 26/14).

3.6. Ukoliko rezultati analiza vode ukažu na prisustvo ulja i masti iznad dozvoljenih vrijednosti propisanih Uredbom, tada se Investitor obavezuje da izvrši ugradnju separatora ulja i masti sa koalescentnim filterom u skladu sa normom 858 EN.

3.7. Ukoliko Vlada Tuzlanskog kantona propiše dodatne (strožije) uvjete za ispuštanje otpadnih voda u površinske vode, od uvjeta definisanih u tabeli 1. Priloga 27. Uredbe o uslovima ispuštanja otpadnih voda u okoliš i sisteme javne kanalizacije, podnosilac zahtjeva je u obavezi iste zadovoljiti.

3.8. Da se, u skladu sa propisima iz oblasti zaštite okoliša, vrši bezbjedno skladištenje i postupanje sa opasnim materijama i otpadom nastalim na predmetnom lokalitetu (adekvatnim mjerama onemogućiti bilo kakvo isticanje i rasipanje opasnih i štetnih materija na tlo i u vode).

3.9. Sadržaj (mulj) iz postrojenja za prečišćavanje otpadnih voda i ostali otpad ne smije se odlagati na česticu „vodno dobro“, odnosno u vodotoke i na njegove obale.

3.10. Da se istrošena ulja, nauljene krpe i sav opasan otpad koji će nastati na prostoru postrojenja za spravljanje betona i betonske smjese redovno prikuplja i propisno, privremeno skladišti u metalne spremnike, do krajnjeg, ekološki prihvatljivog zbrinjavanja od strane ovlaštene organizacije, a prema sačinjenom ugovoru.

4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11, 88/12 i 03/16), Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.

5. Ukoliko radom predmetnog poslovnog objekta za koji se izdaje ova vodna dozvola dođe do promjene režima površinskih i podzemnih voda, a te promjene prouzrokuju štete ma kakvog karaktera, korisnik objekta je dužan uzroke štete otkloniti, a nastale štete nadoknaditi.

6. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima predmetnog poslovnog objekta obuhvaćenog ovom vodnom dozvolom, korisnik zaštitnih vodnih objekata nije odgovoran za nastale štete.

7. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.

8. Ova vodna dozvola, shodno članu 117. stav (1) Zakona o vodama se daje sa rokom važenja od 5 (pet) godina od dana pravosnažnosti ovog rješenja.

9. Ovo rješenje o vodnoj dozvoli može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Pravno lice „Gradex“ d.o.o. Gradačac obrato se ovoj Agenciji sa zahtjevom za donošenje rješenja o vodnoj dozvoli za ispuštanje oborinskih onečišćenih voda i aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada postrojenja za proizvodnju svježe betonske mase, kapaciteta 9,0 m³/h, sa pratećim sadržajima, lociranog na zemljištu označenom kao k.č. 1111/3 K.O. Gradačac I.

U provedenom postupku, uz zahtjev za izdavanje vodne dozvole dostavljena je i pregledana slijedeća dokumentacija:

A- Opšta dokumentacija:

- Rješenje o registraciji, broj:065-0-Reg-12-000801 od 22.06.2012 godine izdato od strane Općinskog suda u Tuzli – ovjerena kopija,

- Uvjerenje o registraciji obveznika poreza na dodanu vrijednost, broj:04/5-1/II17-1-1735-6408/05 od 11.11.2005. godine izdato od strane Uprave za indirektno – neizravno oporezivanje Banja Luka – ovjerena kopija,
- Rješenje o upotrebnoj dozvoli, broj:06/1-23-3-984/13 od 17.09.2013. godine izdato od strane Općinske službe za urbanizam i komunalne poslove Gradačac – kopija,
- Rješenje o vodnoj dozvoli, broj:UP-I/25-3-40-537-6/12 od 28.11.2012. godine izdato od strane Agencije za vodno područje rijeke Save, Sarajevo – kopija,
- Rješenje o odobrenju za građenje, broj:06/1-23/2-363/12 od 13.09.2012. godine izdato od strane Općinske službe za urbanizam, geodetske i imovinsko-pravne poslove Gradačac – kopija,
- Punomoć podnosioca zahtjeva od 10.10.2021. godine,
- Račun za vodu i kanalizaciju za 09/2021 izdat od strane JP „Komunalac“ d.d. Gradačac – kopija,
- Ugovor o preuzimanju i zbrinjavanju korištenih ulja od 11.10.2021. godine potpisan sa „Energio Max Oil“ d.o.o. Gradačac – kopija,
- Račun br.:I01-001-336/2019 od 26.12.2019. godine izdat od strane „System Servis“ d.o.o. Gradačac – kopija,
- Račun br.:I01-001-1205/2021 od 16.10.2021. godine izdat od strane M&M Auto d.o.o. Gradačac – kopija,
- Dokaz o uplaćenju federalnoj upravnoj pristojbi na zahtjev

B- Tehnička dokumentacija:

- Projekat za ispuštanje tehnoloških otpadnih voda iz objekta betonare izgrađene na k.č. 1111/3 u ulici Sarajevska u Gradačcu, urađen od strane „Tehnograd-Company“ d.o.o. Tuzla, juni 2010. godine,
- Završni Elaborat o ispitivanju kvalitativnih i kvantitativnih karakteristika efluenta sa programom praćenja stanja voda (monitoring) i rezultatima monitoringa za betonaru Gradex d.o.o. Gradačac urađen od strane Instituta za hemijsko inženjerstvo Tuzla, oktobar 2014. godine

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

U skladu sa članom 12. stav 5. i 6. Pravilnika o sadržaju, obliku, uvjetima i načinu izdavanja i čuvanja vodnih akata („Službene novine Federacije BiH“ broj 31/15, 55/19, 41/20) izvršen je uviđaj na prostoru proizvodnog pogona betonare, „Gradex“ d.o.o. Gradačac i tom prilikom sačinjen Zapisnik o izvršenom uviđaju broj: UP-I/21-3-40-444-4/21 od 25.10.2021. godine.

Na osnovu dostavljene dokumentacije, izvršenog uviđaja na licu mjesta utvrđeno je sljedeće:

- Pogon za proizvodnju betona sa pratećim sadržajima, nalazi se na zemljištu označenom kao k.č. 1111/3 K.O. Gradačac I.
- Pogon za proizvodnju betona kapaciteta 9,0 m³/h, sa pratećim sadržajima je izgrađen u skladu sa urbanističko tehničkim uslovima. Udaljen je od puta Gradačac-Bosanski Šamac cca 60 m i nalazi se van vodnog dobra rijeke Gradašnice.
- Na prostoru su instalirani slijedeći sadržaji: 2 silosa za skladištenje cementa (od 50 t i 30 t), pet boksova za skladištenje agregata, vaga za cement i agregat, vaga za doziranje aditiva, automatska vaga za vodu, pužni transporteri za cement, kompresor, kontejner sa elektro opremom za upravljanje, upravni objekat i laboratorija. Pastrojenje je automatsko.
- Snabdijevanje vodom betonare vrši se preko priključka na javnu vodovodnu mrežu kojom upravlja JP „Komunalac“ d.d. Gradačac.
- Zbrinjavanje sanitarno-fekalnih voda riješeno je priključkom na gradsku kanalizacionu mrežu kojom upravlja JP „Komunalac“ d.d. Gradačac.
- Tehnološke otpadne vode koje nastaju nakon pranja miksera/mješalice i druge procesne opreme se skupljaju putem kanala sa slivnom rešetkom i odvođe do taložnika 1 zapremine cca V=15 m³. Istaložena voda se preko preliva putem otvorenog kanala sa rešetkom odvođa do taložnika 2 (zapremine cca V= 15 m³) zajedno sa oborinskim onečišćenim vodama

sa betoniranog radno-manipulativnog platoa. Nakon taložnika 2 voda se dovodi do betonskog separatora ulja i masti – trokomorni i iz treće komore voda se ispušta u kanal i dalje u recipijent- rijeku Gradašnicu.

- Skladištenje tečnih goriva, masti, hidrauličkih ulja se ne vrši na lokaciji betonare.
- Separator ulja i masti čisti, po ugovoru „Energo Max Oil“ d.o.o. Gradačac.
- Ambalažni otpad (ambalaže od aditiva) se vraća dobavljaču.
- Popravka i servisiranje miksera i dr. mehanizacije se ne vrši na predmetnoj lokaciji, nego po potrebi u firmama M&M Auto d.o.o. Gradačac, „System Servis“ d.o.o. Gradačac.
- Radno-manipulativne površine su betonirane.
- Monitoring okno je treće okno separatora ulja i masti.
- Investitor je u postupku angažmana certificirane laboratorije Instituta za hemijsko inženjerstvo Tuzla koji će izvršiti monitoring otpadnih voda iz monitoring okna.
- Prostor na kojem se nalazi predmetni proizvodni objekat sa procesnom opremom i pratećim objektima se uređeno održava.

Na osnovu dostavljene dokumentacije i utvrđenog činjeničnog stanja, a u svrhu smanjenja negativnih uticaja predmetnog objekta i aktivnosti na stanje voda i vodni režim, podnosiocu zahtjeva su ovom vodnom dozvolom propisani uslovi u skladu sa odredbama člana 116. Zakona o vodama i članova 12. i 13. Pravilnika o sadržaju, obliku, uslovima, načinu izdavanja i čuvanja vodnih akata i Uredbe o uslovima ispuštanja otpadnih voda u okoliš i sisteme javne kanalizacije. Tačka 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada („Službene novine Federacije BiH“, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH“, broj 46/07).

Na osnovu provedenog postupka konstatuje se da je podnosilac zahtjeva „Gradex“ d.o.o. Gradačac ispunio minimum uslova za izdavanje vodne dozvole za ispuštanje otpadnih voda i aktivnosti koje mogu imati specifične uticaje na vode sa lokacije proizvodnog kompleksa objekata betonare, Grad Gradačac te je riješeno kao u dispozitivu ovog Rješenja.

Podnosilac zahtjeva je uplatio upravnu i administrativnu taksu u iznosu od 70 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi („Službene novine Federacije BiH“, broj 06/98, 8/00, 45/10 i 43/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.


Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obradivač akta:

mr Selma Merdan, dipl.inž.geol.

Prilog: Tehnička dokumentacija navedena pod tačku B obrazloženja rješenja

Po ovlaštenju
Rukovodilac sektora za izdavanje vodnih akata


Haris Ališehović, dipl. inž. građ.

Dostaviti:

- Gradex d.o.o. Gradačac
- H.K.Gradašćevića bb, 76250 Gradačac, (sa prilogom),
- AVP Sava, ISV – Vodna knjiga,
- Sektor 50,
- Sektor 40, arhiva,
- Oglasna ploča-AVP Sava